

nus Antichus Laicus Urbanien. Stephani S. Laurentii in Pane, & Perna Duratii. Carolus Leolus Ariminen. Joan. Petrus Previtatis Presbyter Romanus, Franciscus de Benedictis Senogallien. Diocesis, Ascanii S. Mariae de Araceli Filomarini. Jacobus Cinus Politianus Presbyter Vicentin. Amadæus Ferrianus Clericus Vicentinus, Marci Antonii S. Marci Bragadini, Hiacyntus Dardolus Clericus Narnien. Claudius Carcarasius Laicus Romanus, Petrus Bizzanus Presbyter Mediolanen. Petri Donati Sancti Marcelli Casii. Hieronymus Prothirius Abbas, & Presbyter Camerinen. Franciscus Cataneus Clericus Mediolan. Fr. Vincentii S. Clementis Maculani. Comes Hercules Oddus Eques Ordinis Calatrave Perusinus Clericus Conjugatus, Jacobus Puccius Clericus Romanus, Philippus Baldefcus Clericus Nucerinus. Francisci Sancti Hieronymi Illyricorum Montalti. Joannes Baptista Petramellara Presbyter Bononiensis, Joannes Corjolanus Ofius Laicus Florentinus, Flaminius Justus Clericus Tiburtinus, Cafaris Sanctorum Quatuor Coronatorum Fachenetti. Philippus Gouzzeus Presbyter Parisien. Petrus Franciscus Palatius de Serra Comitum Senogallien. Diocesis. Hieronymi S. Eusebii Grimaldi. Gerardus Rosellus Presbyter Mutinensis, Terentius Duranus Clericus de Monte Sancti Martini Firmane Diocesis. Caroli Sancti Silvestri in Capite Rossetti. Sebastianus Baldinus Clericus Romanus, Bernardus Zanardus Romanus Clericus Conjugatus, Franciscus Valentinus Urbevetanus Clericus, Francisci Angeli Sanctæ Cæcilie Rappacioli. Honuphrius Gualfreducius Clericus Pistoriensis, Joannes Baptista Biscus Presbyter Diocesis Urbanae, Paul. Panzirolus Romanus Conjugatus, Francisci Adriani S. Priscæ Cevæ. Franciscus Pollinus Presbyter Camerinen. Joannes Baptista de Comitibus ab Arpino Soran. Diocesis, Angeli Sanctorum Quirici, & Julitæ Georgii. Paulus Bonafacia Presbyter Romanus, Joannes Baptista Sartinara Presbyter Mediolanen. Octavius Ægidius a Tolentino, Joannis S. Balbinæ de Lugo. Nestor Rita Clericus de Leonifsa Reatine Diocesis, Nicolaus Bassius Presbyter de Terra Pedemontis Aliphanae Diocesis, Gabriel a Porta de Villa Franca Sarzanen. Diocesis Clericus, Dominici S. Sixti Cecchini. Carolus Sanstarellus Abbas, & Clericus a Saxo Ferrato, Joannes Claudius Marinus Pedemontanus Laicus, Nicolai Sanctæ Mariæ Angelorum Ludovisii. Philippus Casarinus Presbyter Nolanus, Christophorus Blancus Clericus Ariminenis, Hieronymus Lancia Laicus Firmanus, Petri Aloysii Sancti Martini in Montibus Caraffæ. Franciscus Ravizza Clericus Urbevetanus, Jacobus Girod a Burgundia Mignovillars Laicus, Alderani Sanctæ Pudentianæ Cybo. Petrus Paulus Grappolinus Clericus Romanus, Joannes Simon Siranus Clericus Perusinus, Fabritii Sancti Augustini Sabelli. Joannes An-

gelus Elifius de Monte Bodio Senogallienis Diocesis, Joannes Baptista Ferrutus de Monte Bodio Senogallien. Diocesis, Francisci Sancti Joannis ante Portam Latinam Cherubini. Comes Frater Gaddus de Elcis Pannocescus Eques Hierosolymitanus Senensis, Joannes Baptista Verzellius a Sambuco Tiburtinae Diocesis, Camilli Sancti Petri in Monte Aureo Astalii. Guglielmus Carrier Clericus Gallus Lugdunensis Diocesis, Guido Gioli Parisien. Clericus, Claudius Imbert Conjugatus Parisien. Simon Cinettus Laicus Parisien. Joannis Francisci Pauli de Retz. Joannes Baptista Ursus Clericus Forolivien. Franciscus Maletta Clericus Ferrarien. Diocesis, Joannis Hieronymi Sancti Honuphrii Lomellini. Octavius Spada Abbas, & Presbyter Interamen. Andreas Thomassinus a Monte Sancto Vito Senogallien. Diocesis, Aloysii Sancti Alexii Homodei. Joann. Carolus Valentinus Presbyter Reatinus, Petrus Paulus Pontinus Clericus Terræ Setia Terracinen. Diocesis, Petri Sancti Salvatoris in Lauro Ottoboni. Rodolphus Dulcinus Clericus Bononien. Joannes Gregorius Ardizonus Presbyter a Tabio Albiganensis Diocesis Abbas, Jacobus Sanctæ Mariæ Transpontinae Corradi. Bernardus Capuccius Romanus Clericus Conjugatus, Franciscus Papadorus a Francovilla Oritanae Diocesis, Laurentii Sancti Chryfogoni Imperialis. Julius Casar Beagnius Clericus Mediolanen. Diocesis, Franciscus Sitta Ferrarien. Diocesis, Gilberti Sancti Joannis, & Pauli Borromæi. Æmilii Vincius Presbyter Firmanus, Carolus Guallius Romanus Conjugatus. Marcelli Sancti Stephani in Monte Cælio Sanctæ Crucii. Ludovicus de Sanctis Clericus Ripanus, Vincentius Barteus de Sancto Angelo in Vado, Baccii Sanctæ Agnetis Aldobrandini. Jacobus Leo Clericus Romanus, Carolus Donatus Veter Clericus Mediolanen. Joannis Baptista Sanctæ Sufannæ Spadæ. Guarnerius de Guarneris Clericus Auximanus, Franciscus Casarinus a Civitate Theatina Laicus, Prosperi S. Calixti Caffarelli. Carolus de Marchis Presbyter Afculanus, Andreas Littus a Castro Plebis Lucerin. Diocesis, Francisci S. Mariæ in Via Albitii. Hieronymus Silentius a Castro Fido Lauretanae Diocesis, Carolus Gendardinus Clericus Lauretanus, Octavii Sancti Bartholomæi in Insula Aquavivæ Presbyterorum S. R. E. nuncupatorum. Frater Marcus Antonius Muggianus Eques Hierosolymitanus Mediolanen. Albertus ab Inbruch Clericus Colonien. Matthæus Bacconus Clericus Anglus, Theodori Sanctæ Mariæ in Via Lata Trivultii. Julius Papettus ab Ortezano Presbyter Firmane Diocesis, Matthias de Riccis Clericus Pisanus, Julii Sanctæ Agathæ Gabriellii. Marchio Franciscus Ursinus Clericus Conjugatus Romanus, Livius Canonicus de Scandolia Sabinen. Diocesis, Joannes Baptista Ghilionus Laicus Jenuen. Virginii Sancti Eufacchii Ursini.

fini. Comes Hieronymus Gratianus Clericus de Pergola Eugubinae Diocesis. Comes Hæstor Molza Presbyter Mutinen. Alexander Mazzinius Clericus Reggien. Raynaldi Sancti Nicolai in Carcere Tulliano Estensis. Carolus Mustus Rutilianen. Clericus Conversanen. Diocesis, Joannes de Rubeis Presbyter a Paliano Prænestinae Diocesis, Vincentii Sanctæ Mariæ in Cosmedin. Costaguti. Ludovicus Tingolus Conjugatus Ariminen. Dominicus Savetus Abbas Clericus Gualdensis Nucerinæ Diocesis. Stephani S. Georgii Donghi. Michei Angelus de Brunamontibus a Canaria Afissien. Diocesis, Joannes Antonius Strachicicus Conjugatus a Canaria Afissienis. Diocesis, Petri Æmilii Sanctæ Mariæ in Aquiro Rondanini. Comes Franciscus de Monte Acuto Eques Sancti Stephani Florentinus, Verus de Castiglione Eques Sancti Stephani Florentinus, Franciscus Cicogninus Presbyter Pratenfis, Joannis Caroli Sanctæ Mariæ Novæ Medices. Jacobus Antonius Serperius Presbyter Romanus, Joseph Lonus Clericus Conjugatus ab Alviano Amerinae Diocesis, Sebastianus Brusatius Casalen. Diocesis, Federici Sanctorum Viti, & Modesti Sfortia. Franciscus Gherius de Sociis Presbyter Perusinus, Marcus Antonius Odescalcus Presbyter Comensis, Benedicti Sanctorum Cosimæ, & Damiani Odescalchi. Camillus del Corno Clericus Tarvisinus, Petrus Jacobus Pinellus Romanus Laicus, Christophori Sanctorum Nerei, & Achillei Vidman. Hieronymus Lupus Presbyter a Rovigo Adriem. Diocesis. Franciscus Camerata a Vernaza Sarzanensis Diocesis, Laurentii Sancti Angeli in Foro Piscium Raggii. Carolus Eufachius Clericus Conjugatus Romanus, Medardus Spera a Rocca Contraclericus, Joannes Angelettus Presbyter Amerinus, Francisci Sanctæ Mariæ in Porticu Maldalchini. Carolus Pancoly Civitatis Cassi Veteris Hieracenensis Diocesis. Frater Hiacyntus Carduccius Eques Hierosolymitanus Romanus, Stephanus Vacherot Civitatis Dyun in Burgundia. Laicus Conjugatus, Friderici de Haslia. Joannes Baptista Verus Presbyter Venetus, Ludovicus Pietri Laicus Urbinae, Caroli Sancti Casarii Barberini. Æmilii Sibbonus Presbyter Romanus, Hieronymus Brasavola Ferrarien. Caroli Sanctæ Mariæ in Domnica Pii. Joannes Baptista Phœbeus Urbevetanus, Antonius Sorreca a Monte Georgio Presbyter Firmane Diocesis, Caroli S. Pancratii Gualterii. Victorius Montanus Presbyter Tudertinus, Dominicus Simoncellus Laicus Cornetanus, Decii Sancti Adriani Azzolini Diaconorum S. R. E. Cardinalium nuncupatorum. Frater Carolus Bonetus Ordinis Sancti Augustini cum dicto Sacrista. Nicolaus Zucchius e Societate Jesu Parmensis Confessarius. Matthæus Parisius de Benaudis Materanen. Diocesis, Antonius Maria de Rubeis Ravennaten. Medici Physici. Joannes Trullius Verulanus Chirurgus. Joannes Bapti-

Bull. Rom. Tom. VI. Par. IV.

sta Paulus Pifauren. Aromatarius. Franciscus Maria Servitius de Monte Baroccio Pifauren. Nicolaus Martinus de Tolentino ejus Auxiliatores. Abbas Joseph Palmecius Clericus Romanus Custos fontis, & Aquarum Conclavis. Antonius Rosellus Firmanus, Dominicus Altimanus de Vignola Mutinen. Diocesis Barbitonfores. Fabritius Angelinus Ariminen. Petrus Gallippus Faventinus eorum Auxiliatores. Franciscus Gualdus Faber Lignarius. Joannes Maria Surifus Faber Cementarius. Joannes Baptista Celsius Romanus, seu Tiburtinus Familiaris Magistrorum Cæremoniarum. Laurentius Biranellus de Monte Bodio Senogallien. Diocesis, Famulus Secretarii Collegii. Georgius de Angelis Anagninus. Petrus Paulus Guinetus, Bartholomæus, Tognettus, Carolus Antonius Guinetus, Joannes Baptista Guinetus, Antonius Salla, Joannes Paulus Gratiolus, Paulus Barozzus, Antonius Cambronus, Gaspar Smit, Joannes Morellus, Fulyus Girottus, Petrus Brancus, Dominicus Bencia Spetta, Franciscus Menichinus, Antonius Selvaggius, Dominicus Leo Angelus, Franciscus Rugerius, Bartholomæus Curtus, Franciscus Campagna, Eusebius Gillus, Petrus Zucconus, Antonius Pifcis, Paulus Antonius Brunus, Bernardus Gualaginus Scopatores Conclavis.

CXXXIX.

Deputatio Internuncii Belgii in Executorem Bullæ SS. D. N. qui confirmavit Bullam Innocentii X. super definitione, quinque Propositionum in materia Fidei occasione impressionis libri Cornelii Jansenii Episcopi Ipre. cui titulus est Augustinus.

Ex Regest. in Secret. Brev.

Dilecto filio Hieronymo Abbati Sanctæ Mariæ Montis Regalis.

ALEXANDER PAPA VII.

Dilecte fili salutem, & Apostolicam benedictionem.

§. I. **N**uper Constitutionem, declarationem, & definitionem in literis sel. rec. Innocentii Papæ X. Prædecessoris nostri pridie Kalen Junii 1653. expeditis, per quas ipse Innocentius Prædecessor occasione impressionis libri cui Titulus, Augustinus Cornelii Jansenii Episcopi Ipre. quinque propositiones in materia fidei tamquam hæreticas damnavit, contentas confirmavimus, approbavimus, & innovavimus, & quinque Propositiones præfatas ex libro præmemorati Cornelii Jansenii Episcopi Ipre. cui Titulus est, Augustinus, excerptas, & in sensu ab eodem Cornelio Jansenio intento, damnatas fuisse declaravimus, & definivimus, & ut tales inusta scilicet eadem singulis nota,

Referet confirmationem Bullæ Innocentii X.

quæ in prædicta declaratione, & definitione unicuique illarum sigillatim, inuritur, ita iterum damnavimus, ac eundem librum sæpèdicti Cornelii Jansenii, cui Titulus Augustinus, omnesque alios tam manuscriptorum, quam typis editos, & si quos forte in posterum edi contingeret, in quibus prædicta ejusdem Cornelii Jansenii doctrina, ut supra, damnata defenditur, vel astruitur, aut defenderetur, vel astrueretur, damnavimus itidem, & prohibuimus, & alias prout uberius continetur in nostris desuper 17. Kalen. Novembris præsentis anni 1656. expeditis literis, quarum tenorem præsentibus haberi volumus pro expresso.

Amplam Nuncio facultatè impetitur.

§.2. Quamvis autem in prædictis nostris literis deputati fuerint Executores Ven. Fratres Patriarchæ, Primate, Metropolitanus, Archiepiscopi, Episcopi, alique locorum Ordinarii, necnon hæretice pravitatis Inquisitores, & Judices Ecclesiastici ad quos pertinet: quia tamen præmissa debite executioni præsertim intra fines istius Nunciaturæ Apostolicæ Belgii accuratius demandatum iri confidimus, si, & tibi qui ad exercendum contentiosam jurisdictionem ejusdem Nunciaturæ a Nobis deputatus es, executio hujusmodi committatur; Propterea motu proprio, & ex certa scientia nostra tibi per præsentem committimus, & mandamus, ut nedum in defectum, seu in eventum negligentie prædictorum Executorum, aut alicujus eorum, sed æque principaliter, & perinde ac si tu speciatim in prædictis literis una cum aliis illarum Executorum nominatus, & deputatus fuisses in id sedulo incumbas, ut in quocumque loco sub jurisdictione dictæ Nunciaturæ comprehenso eadem litera cum omnibus, & singulis contentis in illis debite executioni demandentur, & illarum transgressores pœnis, & censuris in dictis literis contentis puniant, invocato etiam quatenus opus fuerit, auxilio brachii secularis. Super quibus Nos tibi plenam, & liberam, ac amplam, & necessariam, quomodolibet, & opportunitatem concedimus facultatem.

Detegatio contrarietatum

§.3. Non obstant. recol. mem. Bonifacii Papæ VIII. Prædecessoris pariter nostri de una, & Concilii Generalis de duabus dietis, aliisque Constitutionibus, & Ordinationibus Apostolicis, etiam Conciliariibus, necnon quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, etiam immemorabilibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores, præsentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad præmissorum effectum, hac vice dumtaxat specialiter, & expresse derogamus, ceterisque contrariis quibuscumque.

CXL.

Convalidatio omnium novarum electionum Prælatorum in vim confirmationum factarum Ordinis Fratrum Discalceatorum nuncupat. S. Mariæ de Mercede Redemptionis Captivorum, & quod officium Superiorum non possit prætendi, nisi ad aliud triennium.

Ne jam indicata otiose repetam, te remitto ad ea, quæ notavi ad Urb. VIII. Const. 452. Tom. 4. Par. 1. Fol. 382. Sacri Apostolatus.

ALEXANDER PAPA VII.

Ad futuram rei memoriam.

IN sublimi Sedis Apostolicæ fastigio meritis licet imparibus ineffabili divine providentiæ consilio collocati Religiosorum virorum sub suavi æreioris Religionis jugo vota sua Altissimo reddere laudabiliter satagentium commoditatibus libenter intendimus, illisque paternæ benignitatis nostre favores impertimur, prout matura consideratione adhibita, conspicimus in Domino salubriter expedire.

Exordium.

§.1. Exponi siquidem Nobis nuper fecit dilectus filius Antonius a Christo Procurator generalis Congregationis Fratrum Discalceatorum nuncupat. Ordinis Sanctæ Mariæ de Mercede Redemptionis Captivorum, quod alias postquam fel. rec. Gregorius Papa XV. Prædecessor noster per quasdam suas in simili forma Brevis die 20. Augusti 1622. expeditas literas inter alia statuerat, & ordinaverat, ut in omnibus, & singulis officiis æqualibus, vel inferioribus dictæ Congregationis alternativa trium annorum observari deberet, rec. mem. Urbanus Papa VIII. etiam Prædecessor noster per suas pariter in forma Brevis die 12. Julii 1627. expeditas literas ejusdem Congregationis Definitorio, quod ipsius Congregationis, illiusque Domorum Prælatos ordinarios, & alios quocumque nomine nuncupatos Superiores (non tamen Provinciales) in eorum officiis prout e re dictæ Congregationis, illiusque Domorum magis expedire in Domino judicasset, ad aliud triennium confirmare, sive ad eadem officia de novo, etiam alternativa trium annorum, hujusmodi minime observata eligere valeret, facultatem concessit: Cum autem sicut eadem expositio subjungebat, Definitorium prædictum subinde, attento quod in eisdem Urbani Prædecessoris literis expresse declaratum non reperiebatur, Prælatos ordinarios, & alios Superiores hujusmodi ad unum triennium dumtaxat confirmari, sive ad eadem officia de novo dicta alternativa non observata, eligi posse, tri-

triginta fere annorum spatio prout interea expedire visum est, Prælatos ordinarios, & alios Superiores prædictos in eorum officiis non solum ad unum, sed etiam ad plura immediate sequentia triennia confirmaverit, sive ad illa de novo, eadem alternativa minime observata, elegerit: nunc vero de confirmationum, & novarum electionum hujusmodi, & inde secutorum validitate, & subsistentia plurimum dubitetur, & propterea idem Antonius Procurator generalis opportune a Nobis in præmissis provideri summopere desideret.

Convalidat prout in rub. Abolvit Prælatos Ordinarios.

§.2. Nos ipsi Antonium specialibus favoribus, & gratis prosequi volentes, necnon eorumdem Antonii, & Prælatorum ordinarios, aliorumque Superiorum, ac Definitorii prædicti singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine quavis, præterquam præmissorum, occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore, censentes; supplicationibus dicti Antonii Procuratoris generalis nomine Nobis super hoc humiliter porrectis inclinatis, confirmationes, & novas electiones memoratorum Prælatorum ordinarios, & aliorum quocumque nomine nuncupatorum Superiorum, non tamen Provincialium dictæ Congregationis, illiusque domorum, ultra unum aliud triennium respectivo a Definitorio prædicto, sicut præmittitur, alias tamen canonice factas cum inde secutis quibuscumque, & per ipsos Prælatos ordinarios, & alios Superiores in vim confirmationum, & novarum electionum hujusmodi factis, apostolica auctoritate, tenore præsentium convalidamus in omnibus, & per omnia perinde, ac si eadem confirmationes, & novæ electiones non nisi ad unum triennium respectivo factæ fuissent, ac omnes, & singulos juris, & facti defectus, qui desuper propter præmissa quomodolibet intervenerunt, sanamus, & abolemus.

Contrariis derogat.

§.3. Præterea omnes, & singulos Prælatos ordinarios, & Superiores prædictos, necnon personas ejusdem Definitorii a quibuscumque censuris, & pœnis ecclesiasticis per eos, & alias respectivo præmissorum occasione quoquo modo incurris auctoritate, & tenore prædictis in utroque foro absolvimus, & plenarie liberamus. Declaramus in futurum Prælatos ordinarios, & alios quoscumque nomine nuncupatos Superiores universæ Congregationis prædictæ, illiusque Domorum, quos ad aliud triennium in eorum officiis confirmandi, seu de novo ad illa eligendi facultas eidem Definitorio, ut præmittitur, a dicto Urbano Prædecessore concessa fuit, non ultra unum dumtaxat triennium immediate proximum in eorum officiis a memorato Definitorio respectivo confirmari, sive ad illa de novo, alternativa trium annorum, hujusmodi minime observata, eligi posse.

Ac decernentes ipsas presentes literas semper firmas, validas, & efficaces existere, & fore, & ab illis ad quos spectat, & pro tempore spectabit, inviolabiliter observari, illisque respectivo plenissime suffragari; Sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Transumptio nam fides.

§.4. Non obstantibus præmissis, ac Constitutionibus, & Ordinationibus Apostolicis, necnon quatenus opus sit, dictæ Congregationis, ejusque Provinciarum, & Domorum quarumlibet, etiam juramento, confirmatione apost., vel alia quavis firmitate roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & insertis habentes, illis alias in suo robore permanentibus ad præmissorum effectum specialiter, & expresse derogamus, ceterisque contrariis quibuscumque.

§.5. Volumus autem, ut prædicti Prælati ordinarii, & Superiores, necnon persone dicti Definitorii poenitentia, quam ipsis respectivo Sacerdos idoneus propter præmissa imposuerit, adimpleant, alioquin eadem presentes quoad absolutionem eis in foro conscientie nullatenus suffragentur, utque ipsarum præsentium transumptis etiam impressis, manu Notarii publici subscriptis, & sigillo alicujus persone in ecclesiastica dignitate constitutæ munitis, eadem omnino fides in iudicio, & extra illud adhibeatur, quæ ipsis præsentibus adhibetur, si forent exhibita, vel ostensa.

Dat. die 24. Jan. 1657. An. II.

Datum Romæ apud S. Mariam Majorem sub Annulo Pisc., die 24. Januarii 1657. Pontificatus nostri Anno II.

CXLI.

Ex Regest. in Secret. Brev.

Erectionis Collegii Chisti duodecim Alumnorum Theologiæ Studiorum Canoniorum Regularium Congregationis Regularis S. Salvatoris sub Regula S. Augustini sub invocatione Sancti Alexandri Papæ, & Martyris in Canonica Bononiens. ejusdem Congregationis.

ALEXANDER PAPA VII.

Ad futuram rei memoriam.

IN supremo militantis Ecclesiæ throno, meritis licet imparibus, divina dispositione constituti illa, quæ a religiosis viris pro recta Juvenum institutione, studiorumque promotione provide facta sunt libenter cum a Nobis petitur, apostolicæ confirmationis patrocinio roboramus, prout con-

Exordium.

Expositio Con-
greg. Cano-
nicorum Reg.
S. Salvatoris
super erectio-
ne Colleg. Chi-
sti, & leges
hujus Colle-
gii assignat.

conspicimus salubriter in Domino expedire.

§.1. Exponi Nobis nuper fecit dilectus filius Prudentius Januensis Procurator Generalis Congregationis Canonicorum Regularium Sancti Salvatoris, sub Regula Sancti Augustini, quod eadem Congregatio in eius dicta novissime habita Collegium Christi nuncupandum duodecim Alumnorum Sacrae Theologiae studiosorum Canonicorum Regularium dictae Congregationis, sub Invocatione Sancti Alexandri Papae, & Martyris in Canonica Bononiensis Congregationis huiusmodi perpetuo crexit sub legibus, seu Ordinationibus tenoris, qui sequitur videlicet.

Primo. Optantes dictae hoc anno celebratae Bononiae Patres pro muneris sui sollicitudine, ac Juvenum religiosa instructione eorum studia promovere, reformare, ac dirigere, statuerunt, ac statuunt fundari, erigique Collegium perpetuis, ac futuris temporibus duraturum in hac eadem Canonica Sanctissimi Salvatoris Christi nuncupatum sub Invocatione Sancti Alexandri Papae, & Martyris in quo non amplius, quam duodecim Alumni degant.

Secundo. Collegium jam dictum pro humili obsequio erga summum Regnantem Pontificem Christum nuncupatum, in annis Natalitius Sancti Alexandri Papae, & Martyris Tutelaris praedicti cantare curet Missam solemnem cum secunda Oratione pro Sanctissimo Domino Nostro Papa Alexandro VII., ac deinde ab altero Alumnorum Oratio, sive Concio de ejusdem Tutelaris laudibus publice habeatur, horisque pomeridianis ab altero Theses publice defendendae Sacrae Theologiae exponantur.

Tertio. Non possint Alumni aliam Doctrinam complecti, & sequi quam Divi Thomae Aquinatis, quae a Lectoribus perpetuo exponatur quam maxime ad germanum Sanctissimi Doctoris sensum.

Quarto. Per quinque annos in Collegium admissi perseverare teneantur, & cursum Theologicum in summam a Divo Thoma redactam ordinate explere.

Quinto. Horis matutinis quotidie lectio habeatur, cui omnes omnino interesse debeant, nullas ob causas vacatione admittenda, exceptis diebus festis, & solita inter Hebdomadam vacationis. Horis vero pomeridianis revocatis Alumnis praestatae lectionis collatio fiat, ut eorum, quae mane audita sunt altius memoria firmetur, indicta tunc Gymnasio repetitione.

Sexto. Quolibet mense eadem de materia, quae lecta, & exposita fuerit publice discutienda Theses proponantur, a quocumque nemo excipi valeat, & expleto annuo cursu totius lectionis Theoremata solemniter in Ecclesia agitata ab omnibus Alumnis publicentur.

Septimo. Durante quinquennio nec per Abbatem Generalem quivis Alumno-

rum remove possit, prout etiam Constitutionum nostrarum lege cautum est; Quod si qui correctione, sive acriori animadversione dignum perpetraverint inibi, juxta regularia nostra instituta puniantur, iis tantummodo casibus exceptis, qui Alumni expulsionem, & remotionem expostulaverint, quo sane remedio utendum erit, si quis praefrastra, & obstinate has Collegii leges observare recusaverit.

Octavo. Non solum vero Alumni sub Abbatis Canonicae, & ejus Vicarii obedientia, religiosa humilitate, animique submissione degant, sed etiam Lectorem observent, illique pareant, ne dum in iis, quae studiorum, & obedientiam spectant, sed si quid maxime in Schola peccaverint.

Nono. Verum, quia sine premio, & auctoritate nil arduum, & praclarum iners humana fragilitas, & impotentia assequeretur.

Primo. Alumnis concedendum putaverunt Patres exemptionem a duobus horis, quae in Choro habentur, nempe Prima, & Completorio, exceptis diebus Festis, & Vigiliis, itemque Quadragesimae tempore.

Secundo. Pro emendis sibi necessariis libris singulis quibusque Alumnis supra taxam solitam Vestiarum scuta duo monetae Romanae conferantur.

Tertio. Hi caeteris praferantur in Capitulis Generalibus, Minoribusque Comitibus ad Theses publicas suscipiendas.

Quarto. Exacto quinquennio, & licentiatum Alumni, quod per Literas patentes per Abbatem Generalem, & Visitatores erit exequendum, lectionis Canonicae rum concedantur, itemque ad animarum curam praesententur, necnon concursum, vel ab ipso Abbate Generali suspendi, & impediri quoquo modo valeat, nisi in casu, quo morum dissonantia, & indecens vitae conversatio obstiterit.

Quinto. Privilegiis omnibus Lectorum, quos perpetuos ex rescripto Constitutionum nostrarum vocant, uti valeant, & si ejusdem Patriae, cujus sunt Alumni nationales dignitas Abbatialis vacaverit, ad eandem assumi, eligique debeant, si in reliquis requisitis pares caeteris erunt, et si modo quadragesimum aetatis annum attigerint, & morum religiosaeque probitatis semper exempla dederint uti felix memoria Urbani Octavi circa Lectores, & Novitiorum Magistros per suum Breve sancivit.

Postremo, exacto quinquennio tempore opportuno indicet Abbas Generalis substituendis Alumnis concursum, & eos tandem eligat, qui habiliores in examine fuerint reperti, quibus publica Congregationis spes committi valeat, omnibus humanae passionis sensibus omnino compressis.

§.2. Cum autem, sicut eadem expositio subjungebat dictus Prudentius praemissa pro firmiori eorum subsistentia, & validitate Apostolicae confirmationis nostrae praedictae

* Sic

Confirmat
erectione hu-
jus Collegii
ejusque leges.

fidio communire summo opere desideret; Nos ipsum Prudentium specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, erectionem Collegii praedicti, sicut praemittitur factam, ejusque Leges, seu Ordinationes praesentatas, Apostolica auctoritate, tenore praesentium confirmamus, & approbamus, illisque inviolabilis Apostolicae firmitatis robur adiicimus, ac omnes, & singulos juris, & facti defectus, si qui quomodolibet intervenerint, in eisdem supplemus.

Decretum ic-
titans.

§.3. Decernentes easdem praesentes Literas semper firmas, validas, & efficaces existere, & fore, illisque, ad quos spectat, & pro tempore spectabit plenissime suffragari, & ab illis respective perpetuo inviolabiliter observari; Sicque in praemissis per quoscumque Judices ordinarios, & delegatos etiam Causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contrariis
resoluit.

§.4. Non obstantibus praemissis, ac Constitutionibus, & Ordinationibus Apostolicis, necnon quatenus opus sit Congregationis, & Canonicae huiusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permansuris, ad praemissorum effectum, hac vice dumtaxat specialiter, & expresse derogamus, caeterisque contrariis quibuscumque.

Dat. die 30.
Jan. 1657.
An. II.

Datum Romae apud Sanctam Mariam Majorem, sub Annulo Piscatoris, die 30. Januarii 1657. Pontificatus nostri Anno II.

CXLII.

Ex Regest. in
Secret. Brev.

Confirmatio Statuti Capit. Ecclesiae Bitterren., ut de turnum ad praesentationem singulorum Canonicorum.

ALEXANDER PAPA VII.

Ad futuram rei memoriam.

Supplicatio.

§.1. Exponi Nobis nuper fecerunt dilecti filii Capitulum, & Canonici Ecclesiae Bitterren., quod ipsi in eorum Ca-

pitulo generali de anno 1655. celebrato capitulariter congregati ad evitandas, tollendasque contentiones, & discordias, quae inter ipsos occasione collationis nonnullorum beneficiorum ecclesiasticorum collationum tenuissimi redditus ad eos, & Capitulum huiusmodi communiter, & conjunctim, ut asserunt, pertinentis occurrente pro tempore eorum vacatione propter multitudinem illa conferri sibi petentium, diversaque ipsorum exponentium ad competentium favorem respective studia enasci solebant, abususque, qui exinde irreperere poterant removendos rationi consonum existimarunt, si de dictis beneficiis modo praemisso eatenus conferri solitis in posterum perpetuis futuris temporibus occurrente eorum vacatione, non nisi ad praesentationem Canonici hebdomadarii in turno, ut infra statuto existentis, disponeretur.

Confirmat sta-
tutum Eccles.
Bitterren. ut
de quibusdam
beneficiis pro-
videatur ad
praesentationem
singulorum
Canonicorum

§.2. Quapropter turnum hebdomadarii pro praesentationibus ad beneficia huiusmodi per Canonicum dictae Ecclesiae debite qualificatum pro tempore faciendis in qualibet die sabbathi hora tertia post meridiem stabiliri, & per dilectum pariter filium Joannem de Mansiac modernum Archidiaconum majorem nuncupatum, & Canonicum Ecclesiae praedictae incoari, in ejusque persona hebdomada immediate sequenti eodem die sabbathi, & eadem hora tertia compleri, perfici, & absolvi; Et successive turnum huiusmodi ad alios Canonicos dictae Ecclesiae in aliquo ex Sacris Ordinibus constitutos, vocemque in capitulo habentes, ac alias debite qualificados licet absentes, sed tunc pro eis eorum Procuratores, seu Vicarios legitimos divisim de uno ad aliud juxta ordinationem inter eos statutam, vel statuendam transire, ac etiam per eos similiter compleri, perfici, & absolvi; Praeterea tam nomina, & cognomina Canonicorum praedictorum numero duodecim existentium, & Capitulum praedictum constituentium, quam titulos, & denominationes beneficiorum praedictorum in tabula in archivio ejusdem Capituli asservanda describi, necnon praesentationem personarum in dictis beneficiis pro tempore quandocumque vacantibus faciendam ad Canonicum memoratam Ecclesiae in dicto turno existentem debite qualificatum, seu pro eo, ejus Procuratorem, aut Vicarium, ut supra; Institutionem vero ad alios Canonicos, & Capitulum communiter, & conjunctim spectare, & pertinere, ac praesentationem, sicut praemittitur, semel factam per alios Canonicos, & Capitulum huiusmodi acceptari, & in vim illius per eandem personam idoneam tamen, & debite qualificatam ad beneficium tunc exsupradictis vacans praesentatam in illo institui posse, & debere, sed Canonicis, & Capitulo praedictis praesentationem, sicut praemittitur, factam acceptare, & personam praesentatam, tum ob defectum ejus aetatis, tum ob aliam causam legitimam institueret recusantibus, licere eidem Canonico,

co, seu ejus legitimo Procuratori presentari, cujus presentatio, sicut praefertur facta per dictos Canonicos acceptata non fuerit variare, & ad aliam, imo vero ad tot alias quot similes recusationes fieri contigerit, procedere donec tandem aliqua presentatio, sicut praefertur, facta per eosdem Canonicos, & capitulum acceptata fuerit, ita tamen, ut in eventum iteratae recusationis hujusmodi, dicti Canonici, & capitulum causam ejusdem iteratae eorum recusationis legitimam, & rationabilem allegare, & reddere teneantur: Et nihilominus licere tunc eidem Canonico, seu ejus Procuratori presentatori causam hujusmodi approbare, vel non approbare, & alias juri suo presentationis hujusmodi, prout sibi visum, & de jure fuerit providere reservato nostro, & hujus Sanctae Sedis beneplacito statuerunt, prout in actu deliberationis dicti capituli generalis desuper confecto plenius dicitur contineri. Quare iidem exponentes Nobis humiliter supplicari fecerunt, ut sibi in praemissis opportune providere, & ut infra, indulgere, de benignitate apostolica dignaremur.

Sequitur confirmatio.

§.3. Nos igitur dictos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque eccl. sententiis, censuris, & poenis a jure, vel ab homine quavis occasione, vel causa latis, si quibus quomodolibet innodate existunt, ad effectum praesentium dumtaxat consequendum harum serie absolventes, & absolutas fore, consententes hujusmodi supplicationibus inclinati, omnia, & singula praemissa a memoratis exponentibus statuta, salvis tamen reservationibus, & affectionibus apostolicis auctoritate apostolica tenore praesentium confirmamus, & approbamus, illisque inviolabilis apostolicae firmitatis robur adiacimus, ac omnes, & singulos juris, & facti defectus si qui desuper quomodolibet intervenerint supplemus.

Decretum irritans.

§.4. Decernentes praesentes literas semper firmas, validas, & efficaces existere, & fore, ac illis, ad quos spectat, & pro tempore spectabit plenissime suffragari, & ab illis respective inviolabiliter observari: Sicque in praemissis per quoscumque Judices ordinarios, & delegatos etiam causarum Palatii Apostolici Auditores judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

Contraria revoc.

§.5. Non obstantibus praemissis, ac Constitutionibus, & Ordinationibus Apostolicis, necnon quatenus opus sit, dictae Ecclesiae, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis,

ac de verbo ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Pisc. die 3. Februarii 1657. Pontificatus nostri Anno II.

Dat. die 3. Febr. 1657. An. II.

CXLIII.

Subsidium centum millium scutorum auri super fructibus Ecclesiasticis quarumvis Ecclesiarum, & Beneficiorum in Dominio Veneto existen. pro expensis contra Turcas ab eadem Republica faciendis.

Ex Regest. in Secret. Breu.

ALEXANDER PAPA VII.

Ad futuram rei memoriam.

§.1. ETSI Nobis pro cura pastoralis Officii Divina disponente providentia, Nobis meritis licet imparibus, commissi nihil magis cordi sit, quam personas Ecclesiasticas ab extraordinariis oneribus immunes semper conservare, idque nisi summa necessitas cogat, re ipsa animo statuerimus: nihilominus, sicut jam omnibus notum esse debet, cum Turcarum Tyrannus nefarium bellum, quod a duodecim, vel circiter annis dilectis filiis nobilibus Viris Duci, & Dominio Venetorum intulit, etiamnum ingenti apparatu, maximisque viribus prosequatur, & propterea ipsi Dux, & Dominium majores, quam unquam antea tam maritimas, quam terrestres copias, ut se, suaque tueantur parare, & instruere, ac proinde ingentes expensas facere modo compellantur.

Procurium.

§.2. Nos considerantes non minus Clericorum, quam Laicorum interesse, ut ea, quae ad defensionem hujusmodi necessaria sunt, studiose comparentur, quo Christiani nominis hostes insensissimi a Christianis cervicibus, adjuvante Domino repellantur, cogimur de universi Cleri Domini Veneti facultatibus in hoc gravissimo periculosissimoque casu fiduciam sumere, sperantes, quod ipsi hoc onus urgentissima necessitate, & iustissima de causa a Nobis sibi impositum aequo animo ferre non recusabunt. Motu itaque proprio, ac ex certa scientia, & matura deliberatione nostris, deque Apostolicae potestatis plenitudine unum subsidium centum millium scutorum auri super omnibus, & singulis fructibus, redditibus, & proventibus secundum verum annum valorem praesentis anni quarumcumque Cathedralium etiam Metropolitanarum, & Patriarchalium, atque aliarum Ecclesiarum, ac Monasteriorum, Prioratuum, & Beneficiorum Ecclesiasticorum Secularium quorumcumque, ac Hospitalium, & quorumvis Ordinum, & Militiarum (non tamen Hospitalis Sancti Joannis Hierosolymitani) cujus fratres pro municienda, & defen-

Subsidium 100. mill. scut. pro Venet. Reip. superfructibus Ecclesiarum existentium in praedio Domini.

defendenda adversus improbos eorumdem Turcarum conatus Insula Melevitana, gravissimos sumptus subire, & magnum a alienum contrahere oportuit, Regularium cum cura, & sine cura in dicto Dominio existentium a Ven: Fratribus Patriarchis, Archiepiscopis, Episcopis, & Dilectis Filiis Electis, Administratoribus, Commendatariis, Abbatibus, Prioribus, Praepositis, Praelatis, Capitulis, Conventibus, ceterisque Personis Ecclesiasticis secularibus, & regularibus quibuscumque, tam non exemptis, quam quomodolibet exemptis, & quantumvis privilegiatis, etiam S.R.E. Cardinalibus, necnon Sancti Benedicti, Sancti Augustini, Cisterciensium, Cluniacensium, Praemonstratensium, Carthusien. Camaldulensium, Montis Oliveti, Vallis Umbrosae, Monachorum Eremitarum S. Hieronymi, & quorumcumque aliorum Ordinum, necnon Casinensium, alias Sanctae Justinae, Sancti Salvatoris, & Lateranen. aliarumque Congregationum, tam Virorum, quam Mulierum, etiam mendicantium ex privilegio, & alias bona immobilia, seu certos redditus quoquo modo Ecclesiasticos habentium in Dominio praedicto Ecclesias, Monasteria, & alia Beneficia Ecclesiastica obtinent, & fructus Ecclesiarum, Monasteriorum, & Beneficiorum hujusmodi, necnon pensiones annuas quantumcumque exemptas, & sub quibusvis obligationibus etiam in forma Camerae Apostolicae, & juramento etiam cum susceptione censurarum, & de non contraveniendo, ac etiam fortasse de non impetrando gratias nostras contra eos, & concessis non utendo vallatis, & forsitan aliis etiam efficacioribus cautelis, & decretis, ac clausulis super iisdem fructibus, & pensionibus etiam medio cedularum Banchi, seu in forma depositi habentibus, & intra praesentem annum habituris cujuscumque preeminentia, status, gradus, ordinis, & conditionis, etiam religionis, vel militiae existant, quibus, aut quorum aliquibus ulla privilegia, exemptiones, aut indulta sub quacumque verborum forma, & expressione concessa, quoad hoc nullatenus suffragari posse volumus, fratribus, & personis dicti Hospitalis Sancti Joannis Hierosolymitani in totum, & omnino; ceteris vero hospitalibus hospitalitatem actu servantibus pro ea quantitate tantum, quam in servanda ipsa hospitalitate exponunt, dumtaxat exceptis, & dummodo a personis Ordinum Mendicantium non nisi medietas ejus partis, qua ratione subsidii hujusmodi ab eis solvenda esset, solum exigatur, proportionabiliter, & aequaliter juxta verum valorem praedictum inter praedictas personas Ecclesiasticas secundum aequalem, ac discretam partitionem, quam ad Nos quamprimum mitti mandamus, per Ven. Fratres Carolum Episcopum Averfan. Nuncium Nostrum, & Patriarcham Venetiarum distribuend., ac in locis, & terminis, modisque, & formis Bull. Rom. Tom. VI. Par. IV.

per ipsos Carolum Episcopum Nuncium, & Patriarcham, quos Collectores generales subsidii hujusmodi harum serie constituimus, & deputamus, statuen., ordinan., & declaram., omnino de praesenti anno persolveren., ac per eos, & eorum Subcollectores, qui sint personae Ecclesiasticae ad hoc ab ipsis deputandos percipien., exigen., & levand., ac Duci, & Dominio praedictis cum effectu consignand., ut illud in expensas necessarias contra dictos Turcas, & non in alios usus convertere valeant, Apostolica auctoritate tenore praesentium imponimus, impositumque fore, & esse decernimus, & declaramus.

§.3. Nec non eisdem Collectoribus generalibus, & ab eis deputandis Subcollectoribus hujusmodi a Patriarchis, Archiepiscopis, Episcopis, Administratoribus, Electis, Abbatibus, Commendatariis, Prioribus, Praepositoribus, Praepositis, Praelatis, Capitulis, Conventibus, & aliis personis Ecclesiasticis praedictis (praeterquam, ut supra expressis) ratam dicti subsidii eos, & eorum quemlibet, ut praemittitur, tangentem, petendi, exigendi, & colligendi, eisque & eorum singulis, ut illam modo praemisso solvant per poenas, quoad Patriarchas, Archiepiscopos, & Episcopos interdicti, & suspensionis ingressus Ecclesiae, quoad alios vero privationis Beneficiorum Ecclesiasticorum per eos quomodolibet obtentorum, & alias de quibus illis videbitur, etiam pecuniarum, ac demum per sententiam excommunicationis, aliasque censuras Ecclesiasticas, ceteraque opportuna Juris, & facti remedia mandandi, & praecipendi: Contradictores quoslibet, rebelles, & suam ipsius subsidii partem solvere recusantes, seu differentes, & ne illa solvatur, persuadentes directe, vel indirecte per poenas, censuras, & remedia hujusmodi appellatione postposita compescendi, brachii quoque secularis auxilium, si opus fuerit ad hoc invocandi, solventes de solutis quietandi, & liberandi, a censuris, & poenis quas praemissorum occasione quomodolibet incurrerint, absolvendi, & generaliter omnia, & singula alia in praemissis, & circa ea necessaria seu quomodolibet opportuna, etiam si mandatum exigent magis speciale, quam praesentibus sit expressum faciendi, gerendi, ordinandi, mandandi, & exequendi plenam, & liberam auctoritatem, & tenore praedictis facultatem concedimus, & potestatem.

Mandae Collectoribus ordinandi, & dirigendi quacumque pro exactione praedicti subsidii.

§.4. Volentes tamen, quod persona Ecclesiastica praedicta, ratione subsidii hujusmodi, eam tantum quantitatem solvere teneantur, quam ratione similibus subsidiorum a sel: rec: Innocentio Papa X. Praedecessore Nostro concessorum solverunt, & nihil amplius; quodque expense, quae circa exactionem subsidii hujusmodi forsitan faciendae fuerint, in centum millibus scutis praedictis minime computari debeant, sed dictae personae ecclesiasticae expensas ipsas ultra ratam partem, quam ratione

Expensas faciendas in exactione subsidii in 100. millibus scutis minime computari decrevit.